

春在堂全書

第三函
十二冊

丁辛編

春在堂詩編五

德清俞樾

丁巳春大梁公讌卽席有贈

璽書萬里下金城爲念東南未罷兵此輩么麼原小醜
戎

朝絳灌卽書生風前燾影朝臨陣雪裏刀光夜斫營聽
話從前鏖戰事江淮草木早知名

虎節新從塞外旋遊蹤遠過漢張騫人行戈壁渾如海
春到伊犁別有天城大園林能占地土甘瓜果不論錢
相期盡掃鯨鯢後更闢新疆萬頃田

旗鼓中原再建牙
怱怱歲酒出京華
三軍聚拜邊菩薩
一戰生擒陳夜叉
裘帶風流人盡看
弓刀嚴肅士無譁
將軍何幸從天下
自此蒼生望更奢

不才幸得接餘光
良夜叨陪酒一觴
此日軍容嚴細柳
昔年詞采豔長楊
人間縮略傳金版
天上圖書共玉堂
歌詠昇平吾輩事
待公長劍掃貪狼

櫪於去年十一月疏請以鄭公孫僑從祀

文廟并以孟皮配享 崇聖祠

詔下部議從之茲因檄行所屬府州并係以詩

驅車過溱洧有懷東里賢
惟鄭介兩大玉帛難周旋
治

外先治內要使根本堅寬猛適相濟火烈何傷焉孔子
昔至鄭事之如兄虔流涕哀其死遺愛今猶傳固與遽
大夫聖意同拳拳竝許爲君子其道夫何偏今觀東西
廡春秋陳豆籩有遽無公孫祀典猶未全使者敬入告
廷議僉曰然

詔增從祀位位在林放前東廡瑗居首西廡僑爲先祖
豆從此定萬古無能遷

崇祀齊國公始自嘉靖時

宋祥符二年封叔梁紇爲齊國公明嘉靖十年立啟聖祠

祀我

朝監前代乃立崇聖祠褒封其五世一例陳尊彝獨念

我孔子有兄曰孟皮孟皮未配享於禮猶有遺先人客

覃懷手定兩卷詩實始發此議洵足千秋垂

先大夫澗花府君印

雪軒詩集有覃懷游草兩卷皆客懷慶時作中有詠古

四章其弟二首爲孟皮未與配享而發也懋此奏蓋敬

成先

志云於今二十年荏苒星霜移不才秉使節問俗來嵩

伊敬本先臣意稽首陳

丹墀

詔下所司議議者無參差自此春秋祭俎豆及伯尼旣

符萬世公亦慰一已私遺編重展讀風木增淒其

淮甯童子張家釗年八歲文雖無足觀而能成篇

因年太幼故未錄取記之以詩

古有張童子而今復見之呼名胥吏笑執卷祖孫隨其

張斐然年五十九亦應試律已通虛字書纔讀幼儀雲程間有待莫

憾采芹遲

西華縣文童蕭麟德年十四府縣試皆第一予試

之文詩字均可觀因亦置第一以勵髦士

如此年華舞勺纔居然下筆少塵埃連穿楊葉真無敵

未賦棣花已是魁賓館傳看欣得士封章偶及爲憐才

予奏報考試情形附及此事蓬萊更有三山在能否都登絕頂來

謁太昊伏羲氏陵

太昊當年此建都遺墟榛莽未全蕪史公不立三皇紀

邵子偏傳八卦圖但覺神明終古在休疑封樹後人誣
使臣敬向陵前拜分得靈蓍一束枯時蓍草尚未生因
于郡守處乞得枯
者百

澠池懷古

趙爲秦鼓箏秦爲趙擊缶爲趙擊缶秦所醜大呼太史
來歲月紀某某一時意氣遂千秋今日豐碑畱道右鳴
呼一士之得失兩國之雌雄魯有一曹沫手劍遂足要
桓公漢有一樊噲卮酒遂足驚重瞳可憐宋襄公盟楚
乃見執可憐楚懷王入秦終不出當時左右豈無人碌
碌不堪資緩急我行渡澠水感此聊停車司馬犬子解

作封禪書智勇安得如相如

我行河陝間一首紀所見

我行河陝間山山半是土一徑纔通車兩旁若環堵何
年煩巨靈於此施鑿斧我意三代前建國此無數胙土
而分茅傳之歷年所如鳥愛其巢網繆到牖戶爰乃因
地勢而以人力補欲求七鬯安不辭畚揭苦易稱古王
公設險守其宇此卽所設險藉以禦外侮春秋書築郿
傳者強訓詰區分邑與都於義實無取書築葢非城因
地爲險阻自從車戰廢戎馬遂莫禦古人設險處因而
廢不舉徒令穴居民借以蔽風雨書生喜鑿空頗亦非

莽鹵爲高因上陵此語傳自古

謁關壯繆墓

祁連高築勢峻嶒靈爽千秋此式憑朽骨應憐魏疑冢

忠魂猶傍漢原陵墓碑直與尼山埒

墓稱關林與孔林同

祀典頻

邀

聖代增畱得佳城壯河嶽永教四海震威棱

予視學中州偶因人言而罷漫賦四章

雲煙過眼了無痕歸臥鄉山好杜門萬事是非憑吏議

一官去就總

君恩須知浮世原如夢莫怪流言太不根軒冕山林皆

是寄雪泥陳迹更休論

使臣兩載此停車奉職何容計毀譽竟使流傳成市虎
或因明察到淵魚性剛自覺逢時拙識短難辭慮患疏
聖主如天無不照莫將咄咄向空書

頻年雞肋戀微名猿鶴應疑負舊盟白簡忽催人解組

青山早勸我歸耕版輿安穩迎慈母治譜循良讓阿兄

更喜山妻詩句好朝冠卸後一身輕

內子

歸期未定且徘徊草草移居又一回

時移居
私寓

奴輩好隨

新主去兒曹仍挾故書來短檠三尺貧猶在敝帚千金
願已灰從此江湖安我拙休將舊籍問蓬萊

放言

東坡在元祐文章天下雄發策試館職乃受盈廷攻以爲大不敬譏諷及祖宗宣仁雖不問羣論猶洵洵竟以此請外不復畱朝中後來葛文康

名勝仲

發策同此意其

時政和間文字多禁忌言者竟無人晏然保名位乃知人多言亦是命所致磨竭坐命宮欲避無所避然而葛

與蘇千秋孰軒輊

葛事見岳珂程史

蘭坡方伯

漢榮

屬題宋刻蘇帖

蘭坡以宋刻蘇帖三卷示余云得之都門市上乃宋乾道五年汪聖錫應辰刻於成都西樓下者原刻三

十卷然陳眉公刻晚香樓蘇帖已云成都汪刻不可復見則散失久矣此帖雖止十之一然的係宋刻可寶也因題數語而歸之

東坡先生文章雄書法亦爲千秋宗黨錮愈甚名愈崇寸縑尺紙鼎與鐘鼎明學士官蜀中妙選美石精磨礪末附跋語黃涪翁卅卷光照川西東西樓遺址俄蒿蓬眉公搜訪嗟無從殘鱗賸甲偶一逢得之何異圭璧琮蘭坡方伯今坡公羅列環燕評纖穠獨於此帖情所鍾偶出示我吳下蒙我讀公文慕其風中年憂患頗與同雪泥春夢俱恩恩惟媿夙欠臨池功鸚哥吉了難爲工

虛將書髓摹文忠

蘭坡又以錢武肅王鐵券搨本見示自元明來題跋者數十家亦可觀也爲賦四律

五代干戈際惟王智勇全奇兵屯八百神弩挽三千歐
史殊難據蘇碑自足傳至今畱鐵券題詠徧名賢
偶因披此冊軼事憶當初威懾羅平鳥恩寬使宅魚壁
間畱雅詠陌上駐香車草莽英雄輩風流總不如
何況名流筆元明至我

朝幾人徵野史題跋自危太樸以下二十一卷出僧寮
舊爲六舟和尚所藏亦吾浙詩僧也金石有時泐券文半漫雲煙未許銷

龍飛兼鳳舞奇氣尚干霄

我本家吳越彌懷舊澤長湖山自歌舞祠墓已滄桑欲
問旗常業空畱翰墨香願教書萬本歸去壓輕裝

海昌查辛香

冬榮

亦知名士也流落梁園窮而老

矣以長歌見贈走筆和之

先生奇氣凌千秋一瓢一笠人間游頭童齒豁未得志

笑談往往輕王侯海內風騷久歇絕吾道寥落誰爲謀

莽莽軍符走赤羽森森戎幕張青油誰念天涯有王粲

蕭條雙鬢猶登樓蓬蒿太肥蘭太瘦此憾未免東皇畱

君詩有云安排未免東皇欠眼前窮達姑勿論聽人呼
肥到蓬蒿瘦到蘭卽用其意

馬兼呼牛且喜入閨有良友

君室人能詩

沽酒笑脫千金裘

不才亦作梁園客敢謂冰壺曾濯魄悠悠薄宦十年空
忽忽歸心千里迫旌節輜軒皆夢耳得失聽之何足惜
人世羣游傀儡場吾儕天付冰霜骨擬買良田可一畦
更闢小齋寬十笏著書數卷藏名山雖有三公吾不易
蹉跎虛願竟何年傾吐狂言先此夕璞中有玉各自珍
無令佗人識披褐

戊午春予自大梁旋里行有日矣賦四律述懷

梁園半載滯歸期又到鳴鳩乳燕時薄宦歸家原草草
逐臣去

國故遲遲向來琴劍仍隨我未定雲煙且聽之天付優
游閒歲月老農老圃盡堪師

回憶輶車下日邊梁園小住又三年未磨圭角難諧俗
獨抱冰心可對天初念已如矛盾反浮生更比轆轤圓
惟應不負登臨興大好龍門與百泉行部所至北登蘇門南游伊闕皆中州勝地也

南天烽火未銷除自笑迂疎百不如議禮偶增新俎豆

前年冬疏請以子南從祀 文廟 談經難闡占圖書孟皮配享崇聖祠皆如所請

秋早進易原圖三 敢期著述藏山富已媿文章報卷奉 青發還

國虛努力玉堂諸舊侶幾人頗牧幾嚴徐

一笑東華夢已闌
扁舟歸去五湖寬
琴書檢點仍無幾
骨肉都盧亦足歡
擬約鄰翁同秉耒
更教兒輩試彈冠
平生自媿如鳩拙
隨意營巢到處安

畱別周容齋先生

自來梁苑識蒼顏
信有神仙住世間
絕代書名李北海
先生書法冠一時
中年豪興謝東山
黃鑪跌宕交游廣
綠野尊

榮歲月閑濃福
清才都占盡
始知造物未曾慳
偶然示疾等維摩
數月優游勝事多
九十春光閑領略
兩三舊雨屢經過
清談仍藉毛中令
小坐偏宜木養和
自覺天君原不病
漫將丹訣問如何